

敬業堂詩集

冊六

新編 增補 卷一

六

敬業堂詩集卷二十六目錄

杖家集

四日立春

山陰道中喜雨

曹娥廟

上元前一日飲陶穎儒上虞縣齋

雪後從西興晚渡錢塘江

十七夜會城觀燈

偶題

題王松年流觴曲水圖二首

題鳴野叔跌坐圖

春分前三日南湖舟中口占

連雨不止獨居小樓和陶雜詩十一首但借其韻不擬其體也

春分後大雪和陶連雨獨飲韻

西湖櫂歌詞十首

愷功侍讀扈從至杭喜成二律

南巡歌八章

眼鏡

查浦書屋圖爲德尹題四首

留筍

五十生日德尹次二蘇兄弟生日唱

和詩爲壽次答二首

池上看雨

建蘭已萎盆中稗草叢生

梅雨初晴

海塘行

暑夜

瓶中紅白蓮花

秋旱四十韻

卽事

大雨二十韻

打魚歌

曉過南湖

峒嵒題壁

喜遇同年汪東山與聯轡北上

除夜平原旅舍夢亡妻

敬業堂詩集卷二十六目錄

山劍野中喜雨

敬業堂詩集卷二十六

海寧查 慎行 悔餘

杖家集

起己卯正月
盡十二月

歲己卯婦病沉繇爲之料理醫藥入冬悼亡治喪又踰月始計偕北上時
余年五十矣豈意杖家之日乃爲妻杖期之日乎

四日立春

風從東來雲四散獻節重開月上澣田家占歲在新春已過三朝不暇懶起除
雞柵掃庭宇旋拆牛宮治叮嚀去冬無雪土不膏蠶豆根拳麥苗短直憑今日
占今年喜動桑榆一村暖野夫杖藜亦蚤出走向橋西閒趁伴偶逢鄰叟看春
還云見城門懸 詔板鸞輿是月南巡狩爲念頻年淮泗滿宣房未築菱隄空
畚鍤須臾庸可緩洪流渙渙冰開後肯信吾鄉猶旱暵勿愁燠沐入春無
平四年詔冬無宿雪春不
燠沐注云無暄潤之氣 雨露行隨拂雲罕

山陰道中喜雨

謝家雙屐舊曾攜轉覺清游愛會稽白塔紅亭山向背赤欄烏榜岸東西波光
拂鏡羣鵝浴竹氣通煙一鳥啼野老豈知身入畫滿田春雨自扶犁

曹娥廟

掠面飛蝙蝠當門印虎蹄我來尋古廟人為指新泥前一夕有虎入廟小市風掀瓦高

江浪壓堤連宵巫覲喜殺盡一村雞上元前後里人賽社羣集廟中燈火最盛

上元前一日飲陶穎儒上虞縣齋

溪山漸入漸無窮短棹飄然又浙東載酒也應懷賀老折腰毋乃累陶公論交

世路風塵外得句春帆雨雪中是日大雪記取山城作元夕一燈曾為兩人紅

雪後從西興晚渡錢塘江

牛車沒轂水沙渾暗長春潮二尺痕萬竈鋪煙沉海戍兩山銜雪東江疊船開

渡口愁將晚月到圓時過上元莫負承平好風景河塘燈火鬧黃昏宋時沙河塘燈火最

盛東坡詩繁星闌河塘

十七夜會城觀燈

委巷爭除道殘燈未拆棚所難惟物力最動是民情白屋寒堆雪紅樓夜放晴
俗貧官不諒簫鼓徧春城時萬乘將南巡州縣承上官意比戶皆令張燈起自十三至十七夜照耀如白晝數十年僅見也

偶題

天闕竹藤緣底事偶因展卷一欷歔武成或取二三策戰國漫誇短長書

史記索隱

云戰國策亦名短長書

未到流傳成帝虎不應磊落鄙蟲魚曾從顏氏看家訓何用和凝

百卷餘

王應麟困學紀聞云和凝爲文以多爲富有集百餘卷自鏤板行於世識者多非之此顏之推所謂諍痴符也

題王松年流觴曲水圖二首

內史家風世不如流觴長記暮春初如今勝事傳來別楔帖鐫碑換御書

紅牆新割老僧田鑿石穿渠又五年畢竟讓君圖畫好茂林修竹近天然

題鳴野叔趺坐圖

華髮蒼顏映白須列仙真個是臞儒一丘一壑誰能畫留待長康自補圖

叔山畫工

水

春分前三日南湖舟中口占

節物今年異春分尚有梅畫船依音挨岸泊高閣偏雲開水郭連旬雨湖天昨夜

雷莫催桃李放留待

翠華來時聞大駕已發京師

連雨不止獨居小樓和陶雜詩十一首但借其韻不擬其體也

檐空有餘滴窗暗無隙塵几榻隨所設頽然置我身幸無俗客喧聊與書卷親
溼薪爇破竈煙氣迷四鄰明明際陽和奈此晦昧晨寧無好桃杏寂寞傷遊人
晚色時一晴殘陽帶諸嶺參差入我牖出沒墮空景夜雨旋復鳴三更布衾冷
漫漫失清旦未覺春晝永起望海岸山依然化雲影狂風卷平地水勢怒欲騁
誰知倚樓人注目心逾靜

杖藜雖鮮適幽事亦易量盆蘭如佳人含笑新出房瓦盆列左右獨坐於中央
泠泠風露晨宛在南山陽勿將明媚眼換此冰雪腸

種樹待春風花開人向老媚人以華色花亦難自保泫然霑潦中倉卒難就燥
天工詎汝惜得氣翻悔早蜂蝶兩不知芳心爲誰抱既開會有落茲理何足道
雙燕將來巢經營尙猶豫窺簷時下上入室互翔翥初如擇所依終乃訖不去

烏衣亦可托寧免漂搖慮舊年堂上賓風雨今焉如浮塵寓天地孰者爲去住
始知鵬鷖遊未到逍遙處區區校大小叛道吾竊懼

雨來鳩喚愁雨止鵲聲喜咄哉二鳥微鳴噪強多事陰晴及旱潦造物茫茫意
偏勝豈必無時行偶相值但看雲變隼忽散飈如駛馳思亦何爲燥溼隨宜置
我窮不有命生理乃見迫遂令多牛翁傲人以阡陌盜無五斗陳甕有十月白
薰然壹醉富未覺真鄉窄連宵風雨聲夢破江湖客浮家猶見累何計成拔宅
老夫不任耕病婦兼廢桑本務旣兩失衣單食糲糠莽蒼無所之況需三月糗
連陰欲何詣却立希朝陽低頭爾室中踣躄敢自傷寸田富梨棗辟穀何奇方
仙人去我遙再拜酌一觴

人情動如潮洶洶非一端三農赴力役百賈逐貿遷因之惰游民狂走成癡顛
至尊軫疾苦玉食方風餐肯以供億繁而爲奸吏緣柔能暨遠邇義在大雅
篇

異端好大言談天率無稽欺人盡聾聵自位高崑崖使讀聖賢書未必副所懷

背馳去千里詎易相逢彌合之則兩傷不如聽其漓吾道譬暉曜潛見示角羈
積陰等薄蝕暫蔽焉能虧

海角已窮僻村中更蒼涼春流渾渾來欲濟川無梁舊來豆麥隴半作鼃龜鄉
甘澤苟非時殺菽同殞霜詩成感蔚蒼惡草日夜長

春分後大雪和陶連雨獨飲韻

物情向暄潤天道殊不然却收花柳姿都付冰雪間老梅閱世久崛強如頑仙
瘦竹亦舊栽影障池南天朝來悉被壓天闕無後先初疑冬太暖倚伏理必還
豈獨一黃楊百厄同閨年聞者或不察吾詩若響言

西湖權歌詞十首

栽松城石號花園亭剪樓毛竹織樊貪看

御舟新樣子遊人多出湧金門

御舟

以樓毛爲亭中植
松竹名花園船

湖面平添積雨餘放生池外葑初除誰司水族加恩簿開過桃花未打魚

曼衍魚龍百戲張蜃樓幻出水中中央船頭風引三山近方丈蓬萊望渺茫

時禁
游人

不得登
湖心亭

滇茶紅染鶴頭殷畫檻朱欄點綴間何限兩堤花柳色却收小景上盆山

亭臺到處

羅列盆景寶珠山茶尤多

草色纔青柳未齊石函橋北斷橋西琉璃一片樓臺影過盡笙歌十里隄
鑿開混沌著丹青落石猶疑處土星白鶴不歸梅樹老鷺鷥飛上御書亭

萬葉千花綴彩棚火蓮龜背吐層層不知白日長多少又點湖心照夜燈
漁家小女髮如油新向湖干學盪舟也道城中粧束好碧波回眼看梳頭
蜂喧蝶鬧奈春何拂面風香過綺羅此意少年應未會第三橋畔落花多
弄潮天氣中秋後競渡風光午日前併與西湖作寒食人生行樂趁今年

愷功侍讀扈從至杭喜成二律

夢想清遊十載餘此來兼得侍鑾輿一廚自展將軍畫三篋行隨祕監書不
少吟聯傳館閣

愷功與陳乾齋南來唱和成卷

可無長策佐河渠自從南涉江淮後司馬文章

世不如

扈從風流別一家得官畢竟要清華曾衝漠北多番雪及看江南兩月花春服
幾人還戲彩時隨相國偕行寺門無壁不籠紗留君暫作湖山住計日頭綱待 賜茶

南巡歌八章

吾 君盛德邁唐堯河伯波臣詎敢驕一道長虹東跨海不煩鞭石更成橋

沉玉褰茭事已賒十年泛泛使臣查此行直爲河渠出望祀虛傳萬里沙

六龍南下宿遷城三月桃花浪已平多少詞臣爭獻頌黃河應爲 聖人清

淮泗東南盡海邦家家羊酒壓豐杠綠牌曉奏知名姓特慰輿情一渡江

盡除鹵簿撤朝班耆老來迎 御舫還爲話道旁經眼見 天顏有喜侍 慈

顏

德音一日徧江湖百萬重聞貸宿逋洒道清塵皆雨露不因水旱始蠲租

行過山鄉又水鄉豆花褪後麥苗長 翠華小駐非無意要使宮人識采桑

岳牧頻煩事屢詢 屬車偶動爲勤民從今便引虞書例直望 君王歲一巡

眼鏡

巧製海西傳能爭造化權隙光分日月宿障掃雪煙頓覺生虛白猶堪續草玄
一編聊炳燭兀兀慰衰年

查浦書屋圖爲德尹題四首

兩磚斜日過牆遲課罷頻看桂影移此樹年來生意盡可堪頭白話兒時

聽事東偏

小齋余與弟幼時讀書處也庭有老桂一本每視樹影上牆爲放學之候今桂已爲薪矣

生子還同邵伯溫弟年四十五生子見爺時節恰能言挽須問事休輕嚇直爲

憐渠合杜門

五十年來老弟兄暫歸也復可憐生一燈不作音江湖夢好片對床風雨聲

藏書不過五千卷築屋只消八九楹先被畊煙偷畫藁圖爲王石谷所寫石問谷自畊畊煙散人

君書屋幾時成

留筍

好筍如人意新梢補舊林汝長應計日吾老望成陰不礙疎籬破能令曲徑深

咸韶如到耳風雨助清音竹兼風雨似咸韶黃伐檀句

五十生日德尹次二蘇兄弟生日唱和詩爲壽次答二首

百年突過半千慮鮮得一無聞世或疑衰賤天所隲妄心雖漸退始願竟莫必
鐘鼓委盲聾主賓炫名實窮爲東野鳴拙被南宮黜那將桑榆晚坐待婚嫁畢
人言庚寅降賦命例不吉吉祥在止止虛白生爾室結習顧未忘時猶弄詩筆
可傳或有在老境知幾日

蹉跎向遲暮孤露追本始自我稱鮮民餅壘久抱恥有親養不逮具體痛瘡痕
忍復把一觴覲顏對兒子稍欣老兄弟兩杖交頭倚分飛二十年意料不及此
驕榮落霜葉浮慮淨槩几庶幾共殘年服食勝菊杞

池上看雨

五月蓮未華團團葉如扇亭亭不自匿一一出池面細雨聽無聲初於葉上見
綠盤擎不定的皦珠光旋流永忽一傾倒垂三尺練萍開魚影聚萍合魚影散
卽事偶成詩悠然觀物變

建蘭已萎盆中稗草叢生

誰云造物好栽培膏澤多教長不才此理年來看爛熟建蘭盆上稗花開

梅雨初晴

沮洳下溼生蒼苔三旬苦雨經黃梅水田萬蛤夜羣吠林巷一蟬晴忽來晒書亭前日淡淡打麥場上風颼颼鄰家作苦一相勞耘鼓正報槐花開

海塘行

邑城去海十步遙塘爲外捍非一朝去年八月塘忽壞洲渚崩裂隨秋潮邇來沙漲三十里魚鱉殘生差可喜縣官欲爲先事防倡議重修從此始人輸一石名樂輸石今無脛何可驅編排旣須照戶籍運致仍復煩丁夫里符夜下朝必赴田卒污萊敢申訴築塘捍海亦爲民此事不勞官長怒公旬三日古有之向蠲力役誰所爲吾邑戶口十萬丁丑冬縣令王某忽盡除丁糧每田十畝代納一丁人情已自逐游惰亦與三農同怨咨火雲燒空日光赤盡遣山田龜兆拆陽侯勸爾莫漫驕緩我塘工待農隙

暑夜

滿庭苻藻疑浮空樓陰乃在樹影中繁星沸天月將落銀漢中互垂天虹夜深
人靜氣一斂坐覺襟袖來微風波紋搖窗簾脈脈煙氣隔幃紗濛濛暑徂涼近
誰最警露草已報吟秋蟲

餅中紅白蓮花

紅蓮頰如霞白蓮淡如雪兩皆以色故幻相紛羅列或云色卽空紅白本無別
或云空卽色是紅要非白入我止觀中萬象隨起滅一瓶井華水眼界琉璃徹
空花久已除此色爲誰設

秋旱四十韻

槁壤黃塵外明霞杲日西直防金被鑱頗怪火猶稽箕畢占曾驗陰陽數不齊
雄雷張旱氣師曠占云雷始起其霹靂者所謂雄雷旱氣也雌霓散朝隰一物關災眚羣情固慘悽潤

希蛛網露乾裂燕梁泥蚯蚓潛深穴蛟龍困老隄蝸涎粘壁死鷺脚插巢棲舌
燥呼羣鴨沙歎振羽雞魚噉貪涸轍牛喘失涔蹄萍塊膠連蚌苔痕兆拆蠆涉
波無白繭聒耳厭青蜩古柏俄成杌衰楊那復稊瘦針撐棘枳柔木偃樺慙蕉

碎離披卷桐攣小弱圭宮槐當晝聶爾雅守宮槐岸莖舉叢低乾嘆悲荒蔚爭

先任蒺藜

埤雅蒺藜旱草也歲欲旱旱草先生

竹身焚忽爆花面炙多薰是水湯同沸無岡石不

鬱爲時宜長養有力故排擠壞葉煩辭樹良苗半萎畦村村拋襪襖戶戶挂樓

犁瓶臥空依井橋長尙跨谿蝗來疑布陣螢照儼然犀東海行枯矣南山望蔚

今更誰施補救不過禁屠刳巫覡終難信童謠豈有倪吁嗟聽藐藐

爾雅注雪之祭舞者

吁嗟而請雨

瞻印目睽睽客或歌雲漢吾方賦病梨相煎何太迫欲避奈無蹊烈燄

融爐炭焦煙著竈炷衫絺同挾纈懲熱到吹壺不擬開三徑因思接九梯

後漢東夷

傳挹婁國土俗極寒穴居以深爲貴大家至接九梯

窮於入角鼠窘甚觸藩羝晨課書渾廢宵眠枕罷攜

蠅聲俄已集蚊翼詎勝批瘡土天難問勞生計總迷但聞風發發幾見淪淒淒

作苦隨鄰父沉絲奈老妻更愁兒索飯早晚傍門啼

卽事

老夫畏暑如酷吏逃入鄰園樹影中貪趁槐陰成久坐歸來衣上帶青蟲

大雨二十韻